



Qvadrupartitae Conciones Stanislai Grodicii Societatis Iesv

Qvarum Primae, Timorem Sanctvm Incvtiunt; secundae Fidem Catholicam confirmant; tertiae Spem erigunt; postremae diuinam in nobis Charitatem excitant ...

Continet sex Dominicas Quadragesimae, & coenam cum paßione Domini

Grodzicki, Stanisław

Ingolstadii, 1609

Partitio.

Nutzungsbedingungen

[urn:nbn:de:hbz:466:1-56003](https://nbn-resolving.org/urn:nbn:de:hbz:466:1-56003)

ra, qui venturus est in mundum. Iesus ergo cum cognouissent, quia venturi essent, ut raperent eum, & facerent eum regem: fugit iterum in montem ipse solus.

P A R T I T I O.

In tres partes distribuere possumus hoc Euāgelium. Prima continet multas circumstantias, quæ hoc præcæserunt miraculum. Secunda, beneficium à Christo Domino populo Iudaico miraculosè ac liberaliter collatum describit. Tertia effectus qui sunt subsequuti notat.

Ceterum quoniam miraculum istud accuratè ab omnibus quatuor Euangelistis conscriptum, plus habet in nucleo, quam in cortice monstrat, visum est mihi utrumque quidem diligenter, id vero quod excellentius est exactius perpendere. Corticem voco beneficium hoc præstitum Iudeis: nucleum nomino corporis sanguinisque Christi mysterium, in sacramento Eucharistia Christianis à Christo relictum, cuius hinc non solum typum habes, sed etiam quomodo te ad illud præparare debeas discis. Eò igitur omnes nostræ collimabunt conciones. Et in prima quidem tum fraudes Sathane, quibus huic Sacramèto insidiatus est pandemus: tum quomodo eas euitare, et nosmetipos probare oporteat disceremus. In secunda, tum beneficia Christi in institutione Eucharistia nobis exhibita, tum alias eiusdè demonis fraudes, quibus

pus fidem huius Sacramenti debilitare consuevit aperiemus. In tertia & dubia circa literam praefertim, quae seruiunt ad concordiam Euangelistarum dissoluemus, & more huic ferè cõcioni consueto, tum doctrinas inde hauriemus: tum in spē bonam erigere fideles conabimur. In postrema, quomodo nos ante, & in ipsa communionē, & post eam gerere debeamus declarabimus, adeoque qua ratione pro tanta Christi Iesu in nos beneuolentia & amore, amorem vicissim nostrum erga illum excitare queamus, docebimus.



CONCIO I. TIMOR.

SATHA-
NÆ
FRAT.
DES.

PANES.
COPHI-
NI.
*Causse ali-
quot cur de
Euchari-
stia agen-
dum.*

IN more est mihi positum, hac Dominica quæ Latere communiter dicitur, de sanctissimo Eucharistiæ sacramento tractationem suscipere, cum ob diei lætitiā & vestram vtilitatem: tum propter Euangelij hodierni historiam, quam ab hoc nostro instituto alienam non esse, & miraculum ipsum, & quæ illud præcedunt, aut comitantur circumstantiæ demonstrant. Miraculum quidem: Nam hæc panum multiplicatio, ad fi-
dem